



საქართველოს იუსტიციის უმაღლესი საბჭო

ქ. თბილისი № 1/153

“ 18 ” ნოემბერი 2020 წ.

ბ ე ნ კ ა რ ბ უ ლ ე ბ ა

ა. კოჭლამაზაშვილის თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, არჩილ კოჭლამაზაშვილი 2020 წლის 1 დეკემბრიდან გამწესდეს თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე 3 წლის ვადით.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასაბუთება
არჩილ კოჭლამაზაშვილის თბილისის საქალაქო სასამართლოს
მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2020 წლის 26 ივნისის №1/89 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს სამოქალაქო საქმეთა კოლეგიის მოსამართლის 8 ვაკანტურ თანამდებობაზე.

კანდიდატთა რეგისტრაცია მიმდინარეობდა 2020 წლის 29 ივნისიდან 19 ივლისის ჩათვლით. მითითებულ ვაკანსიაზე დარეგისტრირდა 35 კანდიდატი.

2020 წლის 24 ივლისიდან 21 აგვისტომდე მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის არჩილ კოჭლამაზაშვილზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 24 აგვისტოს.

კანდიდატის შესახებ მოძიებული ინფორმაცია:

არჩილ კოჭლამაზაშვილს აქვს სპეციალობით მუშაობის 5-წლიანი გამოცდილება. იგი იუსტიციის უმაღლესი სკოლის მე-14 ჯგუფის კურსდამთავრებულია.

იუსტიციის უმაღლესი სკოლის დამოუკიდებელი საბჭოს შეფასებით, არჩილ კოჭლამაზაშვილი გამოირჩევა პროფესიონალიზმით და პრეზენტაციის უნარებით. კანდიდატმა წარმატებით გაიარა თეორიული სწავლების, სტაჟირებისა და სემინარული მუშაობის ეტაპები, ასევე წარმატებით ჩააბარა სკოლის დამამთავრებელი გამოცდა. კანდიდატი იყო დისციპლინირებული მსმენელი.

სკოლაში სწავლის პერიოდში მას არ დაკისრებია დისციპლინური პასუხისმგებლობა.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ არჩილ კოჭლამაზაშვილს გაესაუბრნენ 15 ოქტომბერს. გასაუბრება წარიმართა ღია სხდომაზე და მას ესწრებოდნენ არასამთავრობო ორგანიზაციების წარმომადგენლები.

კანდიდატის შეფასება:

2020 წლის 5 ნოემბრიდან 12 ნოემბრამდე პერიოდში იუსტიციის უმაღლესი საბჭოს 15-მა წევრმა კანდიდატი არჩილ კოჭლამაზაშვილი შეაფასა კომპეტენტურობისა და კეთილსინდისიერების კრიტერიუმების მიხედვით.

არჩილ კოჭლამაზაშვილის კეთილსინდისიერების კრიტერიუმით შეფასებისას, საბჭოს შემფასებელმა თხუთმეტივე წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს.

საბჭოს წევრთა მიერ არჩილ კოჭლამაზაშვილის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1301 ქულა, რაც ქულების მაქსიმალური რაოდენობის 86.73%-ია.

კენჭისყრის შედეგები:

2020 წლის 18 ნოემბერს თბილისის საქალაქო სასამართლოს სამოქალაქო საქმეთა კოლეგიის მოსამართლის მე-5 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 14-მა წევრმა მიიღო, არჩილ კოჭლამაზაშვილმა მოიპოვა 12 ხმა.

აღნიშნულ ვაკანსიაზე ბიულეტენში შეყვანილ იქნა 26 კანდიდატი, მათგან 5 მოქმედი მოსამართლე, 7 ყოფილი მოსამართლე და 14 იუსტიციის უმაღლესი სკოლის ყოფილი მსმენელი, კერძოდ:

- | | |
|----------------------------------|--------------------------------|
| 1. ბებიაშვილი მიხეილ - 0 ხმა | 14. მამაცაშვილი ქეთევან -1 ხმა |
| 2. ბერეკაშვილი ქეთევან - 0 ხმა | 15. მარშანია ნათია - 0 ხმა |
| 3. ბიწაძე ეკატერინე - 0 ხმა | 16. მერაბიშვილი ნათია - 0 ხმა |
| 4. გიორგაძე ნინო - 0 ხმა | 17. ნადოი რეზო - 0 ხმა |
| 5. გოგატიშვილი დიანა - 0 ხმა | 18. უბილავა გიზო - 0 ხმა |
| 6. გოგატიშვილი ნინო - 0 ხმა | 19. ურთმელიძე თამაზ - 0 ხმა |
| 7. დუგლაძე ქეთევან - 0 ხმა | 20. ფუხაშვილი მორის - 0 ხმა |
| 8. ვატიტაძე გრიგოლ - 0 ხმა | 21. შოშიაშვილი მაია - 0 ხმა |
| 9. ზათიაშვილი ვერიკო - 0 ხმა | 22. ხაბალაშვილი ნინო - 0 ხმა |
| 10. თაყაძე თეა - 0 ხმა | 23. ხუსკივაძე ირაკლი - 0 ხმა |
| 11. კლდიაშვილი ლაშა - 0 ხმა | 24. ხუჭუა ვლადიმერ -1 ხმა |
| 12. კოჭლამაზაშვილი არჩილ -12 ხმა | 25. ჯავახიშვილი მაია - 0 ხმა |
| 13. კოხრეიძე ლეილა - 0 ხმა | 26. ჯინჯოლია მიხეილ - 0 ხმა. |

დასკვნა:

კანდიდატის - არჩილ კოჭლამაზაშვილის კეთილსინდისიერების (საბჭოს ყველა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (სამართლის ნორმების ცოდნის, სამართლებრივი დასაბუთების უნარისა და კომპეტენციის, პროფესიული თვისებების) კრიტერიუმების გათვალისწინებით, კენჭისყრის შედეგების საფუძველზე, სხვა 25 კანდიდატთან შედარებით უპირატესობა მიენიჭა და შესაბამისად, თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე 3 წლის ვადით განწესდა არჩილ კოჭლამაზაშვილი.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი

